



Samstarfssamningur Norðurþings og Íþróttafélagsins Völsungs

Norðurþing, kt. 640169-5599, Ketilsbraut 7-9, 640 Húsavík (einnig vísað til sem „sveitarfélagið“) og Íþróttafélagið Völsungur, kt. 710269-6379, Stóragarði 8, 640 Húsavík (hér eftir Völsungur eða „félagið“) gera með sér eftirfarandi samstarfssamning.

1. gr. Inngangur

Með samstarfssamningi þessum er kveðið á um gagnkvæmar skyldur samningsaðila um útfærslu á íþróttastarfi í Norðurþingi.

Norðurþing skal treysta fjárhagslegan rekstrar- og starfsgrundvöll félagsins með samkomulagi um afnot íþróttamannvirkja og beinum fjárframlögum.

Völsungur skal hafa það að markmiði í starfsemi sinni að bjóða börnum og unglíngum skipulagt íþróttastarf undir leiðsögn vel menntaðra og hæfra leiðbeinenda þar sem lýðheilsa og forvarnargildi íþróttar er höfð að leiðarljósi. Einnig að hlúa að keppnis- og afreksíþróttafólki þannig að það geti náð sem bestum árangri. Völsungur leggur metnað í að þjónusta og hlúa að almenningsíþróttafólki og hvers kyns félagsstarfi íþróttafólks.

2. gr. Markmið samningsaðila

Markmið samningsaðila með samningnum er tvíþætt. Annarsvegar að skapa Völsungi aðstæður til að bjóða uppá fjölbreytt og öflugt íþróttastarf með hliðsjón af íþróttanámskrá félagsins bæði hvað varðar þjálfun barna, unglínga og afreksfólks og þjónustu vegna almenningsíþróttar og félagsstarfs. Hins vegar reka félagsaðstöðu og þjónustu fyrir félagsfólk og aðra íþróttaiðkendur.

3. gr. Helstu verkefni Völsungs

Völsungur býður upp á öflugt íþróttar-, afreks-, tómstunda- og félagsstarf. Félagið rekur skrifstofu og félagsaðstöðu til að halda utan um kröftugt og faglegt starf félagsins.

Faglegt starf barna og unglínga er í samræmi við íþróttastefnu stjórnvalda, stefnur félagsins er varða einelti, forvarnir og jafnrétti og aðrar gildandi stefnur er málið varðar.

Skrifstofa

Völsungur hefur starfandi framkvæmdastjóra. Framkvæmdastjóri Völsungs er framkvæmdastjóri alls félagsins og starfar í umboði Aðalstjórnar Völsungs. Framkvæmdastjóri stuðlar að framgangi verkefna sem Aðalstjórn Völsungs ákvarðar.

Faglegt starf

Íþróttafélagið Völsungur leggur áherslu á jafnrétti og að öll geti stundað og tekið þátt í því starfi sem fer fram undir merkjum Íþróttafélagsins Völsungs.



Mismunun á kynþáttum, trúarbrögðum, skoðunum, fötlun, efnahag eða öðru er ekki liðið innan Íþróttafélagsins Völsungs og er tekið fast á öllum málum sem kunna að koma upp þess efnis.

Félagspjónusta Norðurþings verður Völsungi innan handar við að gera fötluðum kleift að stunda þær íþróttagreinar sem félagið býður uppá að hverju sinni. Fulltrúi Völsungs hefur kost á að sitja árlegan samráðsfund í upphafi skólaárs með starfsfólki íþróttamannvirkja og Borgarhólsskóla. Íþrótt- og tómskundafulltrúi boðar til fundarins.

Völsungur skal eftir fremsta megni stilla upp æfingum með þeim hætti að börn geti stundað fleiri en eina íþróttagrein og annað félagsstarf. Æfingar yngstu iðkenda séu í sem mestri samfellu við skólastarf.

Norðurþing vinnur eftir uppeldisstefnu um jákvæðan aga í leikskólum og grunnskólum sveitarfélagsins. Til að tryggja heildstæða uppeldisstefnu sveitarfélagsins mun Norðurþing standa fyrir námskeiðum um jákvæðan aga tvisvar á ári. Lögð er áhersla á að allir þjálfarar og starfsfólk félagsins mæti á námskeið að minnsta kosti einu sinni á ári.

Völsungur leggur einnig áherslu á að efla þátttöku fullorðinna að félaginu í gegnum félagsstarf og almenningsíþróttir.

Forvarnir

Öflugt íþrótt- og félagsstarf gegnir mikilvægu forvarnarhlutverki og hefur Völsungur sett sér jafnréttisstefnu, vímuvarnarstefnu auk eineltisáætlunar. Stefnur félagsins skulu einnig innihalda viðbragðsáætlanir til að taka á málum sem kunna að koma upp.

Völsungur skipuleggur árlega forvarnarfræðslu fyrir alla starfsmenn og þjálfara félagsins í samstarfi við Norðurþing.

Félagið skal setja sér viðbragðsáætlun varðandi ofbeldi og kynferðislega áreitni og býður Norðurþing fram fagþekkingu og aðstoð sveitarfélagsins við þá vinnu.

Völsungur skal taka öllum ábendingum varðandi ofbeldi, kynferðislega áreitni og einelti alvarlega. Í slíkum tilfellum skal bera slík mál undir Samskiptaráðgjafa íþrótt- og æskulýðsstarfs (samskiptaráðgjafi.is) sem leiðbeinir félaginu frekar.

Þar til sameiginleg viðbragðsáætlun fyrir íþrótt- og æskulýðsfélög hefur verið gefin út af Samskiptaráðgjafa skal Völsungur styðjast við áætlun Æskulýðsvettvangsins (aev.is). Völsungur tekur fram á vef sínum hvaða stefnur og viðbragðsáætlanir eru gildandi hverju sinni. Þjálfarar, iðkendur og aðrir ábyrgðaraðilar skulu vera upplýstir um gildandi reglur og áætlanir. Tengill á vef samskiptaráðgjafa íþrótt- og æskulýðsstarfs skal vera vel sýnilegur á vefsíðunni volsungur.is



4. gr. Félagsaðstaða Völsungs

Félagsaðstaða Völsungs er á efri hæð í vallahúsi við knattspyrnuvelli. Völsungur annast húsvörslu, ræstingar og eftirlit í félagsaðstöðu sinni. Norðurþing sér um ræstingu á neðri hæð vallahúss.

Öll veitingasala í félagsaðstöðu Völsungs er í höndum félagsins, því er þó heimilt að fá þriðja aðila til að sjá um veitingasölu. Völsungi er heimilt að hafa leigutekjur af félagsaðstöðu í vallahúsi en sér félagið þá um gæslu, þrif, eftirlit og ábyrgð á húsinu.

Völsungur fær aðstöðu fyrir þjálfara félagsins í íþróttahöllinni á Húsavík og aðgang að fundaraðstöðu í húsinu eins og við verður komið. Völsungur hefur einnig aðgang að geymslu í íþróttahöllinni.

Völsungur hefur aðgang að búningsklefum og rými inn af búningsklefum í kjallara Sundlaugar Húsavíkur. Miðað er við að áætlun um notkun komi fyrir 1. september ár hvert. Einnig fær íþróttafélagið aðgang að geymslurými í kjallara Sundlaugar Húsavíkur í samráði við íþrótt- og tómstundafulltrúa. Þrif og umhirða í sundlauginni er á ábyrgð og kostnað Norðurþings.

Völsungur hefur aðgang að búningsklefum og íþróttasal í íþróttahöllinni á Húsavík vegna æfinga og keppni. Framkvæmd íþróttæfinga og keppni er samvinnuverkefni starfsmanna íþróttamannvirkja og ábyrgðaraðila Völsungs. Virkt og opið samtal á milli starfsmanna varðandi öryggi og velferð þeirra sem sækja skipulagt starf. Í samræmi við „Reglur um öryggi í íþróttahúsum“ (Menntamálaráðuneytið 2002) mun starfsfólk íþróttamannvirkja og Völsungs fara reglulega yfir verklag og áherslur varðandi málið.

Allt viðhald og umhirða knattspyrnuvalla er á ábyrgð og kostnað Norðurþings nema um annað sé sérstaklega samið. Skal þá gerður sérstakur samningur um þau mál.

Völsungur kappkostar góða umgengni í allri þeirri aðstöðu sem það nýtir og er í eigu sveitarfélagsins.

5. gr. Framlög og greiðslur Norðurþings

Norðurþing skal greiða Völsungi árleg fjárframlög samkvæmt greiðsluáætlun Norðurþings og Völsungs. Að auki greiðir Norðurþing fyrir aðgang Völsungs að rafrænu skráningakerfi. Völsungur ber ábyrgð á því að sækja greiðslur til Norðurþings með því að senda reikning á skrifstofu Norðurþings.

Fjármagn til almenns reksturs

Framlagið skal m.a. nýtt til að greiða kostnað við rekstur skrifstofu og félagsaðstöðu Völsungs og daglegs rekstrarkostnaðar svo sem launa framkvæmdastjóra og annarra starfsmanna sem sjá meðal annars um rekstur, umsjón húsnæðis og skipulag barna- og unglingastarfsins. Völsungur



annast húsvörslu, ræstingar og eftirlit í félagsaðstöðu sinni. Sem eigandi vallahúss ber Norðurþing einnig ábyrgð á þeirri starfsemi sem fram fer í vallahúsi í samstarfi við félagið.

Upphæð ársins 2023 – 21.148.085 kr.

Upphæð ársins 2024 – 22.036.276 kr.

Upphæð ársins 2025 – 22.961.800 kr.

Afnot af íþróttamannvirkjum

Norðurþing veitir Völsungi aðgang af Íþróttahöllinni á Húsavík, Sundlaug Húsavíkur og knattspyrnuvöllum á Húsavík til æfinga og keppni án endurgjalds.

- ✓ Völsungur gerir æfingatöflu fyrir íþróttahöll þar sem kemur fram hver afnot félagsins á húsinu er. Áætluninni er skilað fyrir 15.ágúst ár hvert.
- ✓ Völsungur hefur aðgang að knattspyrnuvöllum og búningaþstöðu í vallahúsi. Völsungur skilar inn æfinga- og keppnisáætlun fyrir vellina fyrir tímabilin 1.jan – 1.maí, 1.maí – 1.sept, 1.sept – 31.des.
Einnig funda framkvæmdarstjóri, Íþrótt- og tómsundafulltrúi, starfsmaður/starfsmenn íþróttavalla eftir þörfum til að tryggja að leikir og aðrir viðburðir geti farið fram.
- ✓ Völsungur hefur aðgang að sundlauginni og búningaþstöðu í kjallara sundlaugar. Völsungur skilar inn æfingaáætlun fyrir sundlaugina 1. september ár hvert. Einnig hefur Völsungur aðgang að geymslum í kjallara sundlaugar í samráði við íþrótt- og tómsundafulltrúa.
- ✓ Norðurþing útvegar keppnisíþróttafólki meistaraflokka félagsins ársmiða í sund. Markmiðið með þessum sundmiðum er að bæta hvíld og endurheimt íþróttafólksins.
- ✓ Á íþróttamótum og stærri viðburðum veitir Norðurþing félaginu frían aðgang að sundlaug Húsavíkur þann dag/þá daga er mót stendur yfir. Samráð skal haft við starfsfólk sundlaugar í slíkum tilvikum.

Reiknað verðmæti (innri leiga) vegna afnota af íþróttamannvirkjum er:

Árið 2023 eru upphæðirnar eftirfarandi.

- Húsavíkurvöllur = 18.869.887
- Vallahús leiga = 2.850.000
- Íþróttahöll = 9.885.869
- Sundlaug = 809.859
- Samtals = 29.565.615

Árlega breytist innri leiga í samræmi við fjárhagsáætlun Norðurþings.



Norðurþing og Völsungur sameinast um að hanna skilti þar sem merki beggja aðila eru sýnileg. Skiltið skal sett upp á áberandi stað í íþróttahöll, við sundlaug og á knattspyrnusvæði. Kostnaður við hönnun, uppsetningu og viðhald skiltis er á höndum Norðurþings.

6. gr. Rekstur og skilyrði

Völsungur leitast við að hagræða í rekstri sínum og tryggja hallalausan rekstur. Völsungur skilar inn ársskýrslu að loknu hverju almanaksári um starf félagsins. Í skýrslunni eru ársreikningar félagsins ásamt helstu upplýsingum um starf félagsins á liðnu almanaksári. Í skýrslunni skulu koma fram upplýsingar um barna og unglिंगastarf, kynjaskipting og aldurskipting. Ársskýrslunni skal skilað inn fyrir 31.maí ár hvert. Hafi ársskýrsla ekki borist þann 30.júní hefur Norðurþing heimild til að stöðva greiðslur til félagsins.

7. gr. Samskipti og upplýsingagjöf aðila

Aðalstjórn Völsungs annast samræmingu á starfsemi deilda félagsins.

Norðurþing tryggir að erindi sem berast sveitarfélaginu með öðrum hætti en frá aðalstjórn Völsungs verði ekki tekin til umfjöllunar í nafni félagsins.

Íþrótt- og tómstundafulltrúi kemur fram fyrir hönd Norðurþings varðandi nánari framkvæmd samnings þessa og annast dagleg samskipti við Völsung varðandi samninginn. Allt að þrisvar á ári getur Norðurþing óskað eftir fundi þar sem íþróttafélagið gerir grein fyrir fjárhagsstöðu félagsins. Boðun fundanna eru á ábyrgð Norðurþings.

Að loknu hverju starfsári skal haldinn upplýsinga- og samráðsfundur stjórnar Völsungs og Fjölskylduráðs. Íþrótt- og tómstundafulltrúi ber ábyrgð á að boða þennan fund.

Framkvæmdastjóri Völsungs kemur fram fh. félagsins við Norðurþing varðandi dagleg samskipti og nánari framkvæmd samnings þessa.

Völsungur skal birta ársskýrslu á rafrænu formi á heimasíðu sinni. Í skýrslunni eru ársreikningar félagsins ásamt helstu upplýsingum um starf félagsins á liðnu almanaksári. Í skýrslunni skulu koma fram upplýsingar um barna og unglिंगastarf, kynjaskipting og aldurskipting. Ársskýrslunni skal skilað inn fyrir 31. maí ár hvert.

Samningur þessi skal vera aðgengilegur almenningi og birtur á heimasíðum Norðurþings og Völsungs.

8. gr. Ábyrgð aðalstjórnar Völsungs

Framkvæmdastjóri félagsins í umboði aðalstjórnar ber ábyrgð á fjármálastjórn félagsins og tryggir að bókhald sé reglulega og réttilega fært. Öll framlög Norðurþings greiðast til aðalstjórnar.

Aðalstjórn Völsungs ber ábyrgð á skuldbindingum félagsins og tryggir að skuldbindingar deilda félagsins séu í samræmi við áætlanir, samþykktir og lög aðalstjórnar.



Aðalstjórn Völsungs ber ábyrgð á að félagið og allar deildir félagsins uppfylli skilyrði reglna til að teljast fyrirmyndarfélag ÍSÍ og starfi samkvæmt þeim markmiðum sem um slík félög gilda.

Völsungur gerir þær kröfur til sinna leiðbeinenda/þjálfara að þeir séu með tilskilda þekkingu eða menntun í þeirri íþróttgrein sem þeir leiðbeina í eða þjálfra. Félagið leitast við að styðja við bakið á áhugasömum einstaklingum við að afla sér menntunar og bæta við hana. Leiðbeinendur og þjálfarar undirrita ráðningarsamning við félagið þar sem fram koma skyldur þeirra um að fylgja starfsreglum félagsins og vera til fyrirmyndar í stundvísi, framkomu og annan hátt er að íþróttinni lýtur

Félaginu er óheimilt að ráða til starfa aðila sem sinna börnum og ungmennum undir 18 ára aldri í æskulýðsstarfi, einstaklinga sem hlotið hafa refsíðóm vegna brota á ákvæðum XXII. kafla almennra [hegningarlaga, nr. 19/1940](#). Sama gildir um þá sem hlotið hafa refsíðóm fyrir brot gegn lögum um ávana- og fíkniefni, nr. 65/1974, á síðastliðnum fimm árum. Ákvæði þetta nær einnig til þeirra sem falin er umsjón með börnum og ungmennum undir 18 ára aldri á grundvelli sjálfboðaliðastarfs.

Allir þjálfarar og ábyrgðarmenn sem starfa á vegum félagsins þurfa að uppfylla skilyrði æskulýðsfélaga um hreint sakavottorð.

9. gr. Framtíðarsýn

Norðurþing hyggst greina þarfir og móta stefnu um uppbyggingu íþrótt- og tómsundarmannvirkja í sveitarfélaginu.

Þarfagreiningin verður unnin í samráði við helstu ábyrgðaraðila í íþrótt- og tómsundastarfi sveitarfélagsins. Kostnaður við vinnuna greiðist af Norðurþingi.

Norðurþing, Völsungur og aðrir hagsmunaaðilar hefja hugmyndarvinnu að þróunarstarfi í samstarfi við leik-, og grunnskólann er snýr að því að fella íþrótt- og tómsundastarf inn í stundaskrá yngstu nemenda.

10. gr. Vanefndir og ágreiningur

Verði verulegar van efndir eða forsendubrestur af hálfu annars hvors samningsaðila er heimilt að segja samningi upp með þriggja mánaða fyrirvara að undangenginni skriflegri áminningu um úrbætur. Ef ágreiningur kemur upp milli samningsaðila skulu þeir leita sátta sín á milli.

11. gr. Gildistími og önnur ákvæði

Samningur þessi gildir frá 01.01.2023 – 31.12.2025

Samningurinn er gerður í tveimur eintökum og heldur hvor aðili einu eintaki.



Húsavík 20. febrúar 2023

F.h. Íþróttafélagsins Völsungs

F.h. Norðurljóms